

[6] CHAPITRE I.

DE LA PERFIDIE DES HIROQUIOIS.

LE 24. de Septembre de l'an passé 1646. le Pere Ifaac Iogues partit des Trois Riuieres, pour aller au païs des Hiroquois *Agneronons* afin d'entretenir la paix qu'ils auoient si solemnellement concluë & pour cultiuer & augmenter la semence de l'Euangile qu'il auoit commancé de ietter dans cette terre malheureuse & ingratta, deuant qu'il arriuaft en ce païs-là, ce peuple auoit enuoyé des prefens aux Hiroquois des païs plus hauts, que nous appellons *Onondageronons* *Santaronons* & quelques autres, afin de confirmer fortement leurs alliances, & coniuurer la ruine des François, & des peuples leurs alliez. Le fujet de cette perfidie prouient à mon aduis de leur humeur guerriere, qui ne peut demeurer en repos, & de la gloire, & des profits qu'ils tiroient de la guerre, & de plus, de leur superstition, & de la haine que les Hurons captifs leur ont donné de la doctrine de Iesus-Christ; [7] ces captifs nous ayans veu l'opprobre de tout leur païs, à raison des maladies contagieuses & populaires, dont ils nous faisoient Autheurs par nos prieres qu'ils appelloient des charmes; ont ietté ces pensées dans l'esprit des Hiroquois; que nous portions les Demons, que nous & que nostre doctrine ne tédioit qu'à leur ruine: si bien qu'ils accuferent le P. Ifaac Iogues en son premier voyage depuis la paix faite, d'auoir caché des forts dans vn coffret, où dans